

S **LO**
Afl. 1.25

BRIYANDO FUERTE • TRECIENDO CLARIDAD
DIASABRA 16 MAART 2024

Di Pueblo



Feliz Dia di
Himno y Bandera



WWW.SOLODIPUEBLO.COM



SOLODIPUEBLO@GMAIL.COM

Ban celebra Himno y Bandera en grande!
**PARLAMENTARIO RICKY HOEK
TA REFLEHA PAKICO UN DIA
NACIONAL TA IMPORTANTE**



**HOMBER DI 71 AÑA
CONDENA NA 12 LUNA
DI PRISON PA A MISHI
CU MUCHA MUHER**



Horacio Oduber
HOSPITAL

HUNTO PA UN ARUBAI



FELIZ DIA DI
Himno y Bandera!

RECIBIENDO 2024

*"O, Aruba, dushi tera,
nos barasona ta a itona
nos amor p'abo i 'natura grandi
na e tera nobis pa bishita!"*



*Feliz dia di
Himno y Bandera*



ARUBA PORTS
AUTHORITY NV

ORANJESTAD • CURAÇAO

**Prome Minister Evelyn
Wever-Croes:**

Cu enfoka riba Inteligencia Artificial, ARUBA INNOVATION SUMMIT 2024 CU E TEMA “EVOLVE”



Artificial Intelligence ta birando un tema hopi importante cu tur hende mester sa di dj'e. Dia 20 di Maart FUTURA hunto cu Gobierno di Aruba ta organisa e Aruba Innovation Summit 2024 cu e tema “EVOLVE”. Aki lo enfoca riba e tema di Inteligencia Artificial (AI) y con lo por traha hunto cu tecnologia y cu otro como ser humano.

Aruba Innovation Summit 2024 lo tin tres orador, local y internacional:

Amy Gallo, cu ta un Best-Selling Author y un Workplace expert. E lo comparti su experticio riba maneho di situacionnan dificil y solucion di conflicto. Eduardo Sanchez ta Senior Vice President & Head of Cyber & Intelligence di Mastercard Latin America & Caribbean. E lo enfoca riba e uzo di AI pa cyber security. Y nos orguyo Arubiano Luenne Gomez-Pieters cu ta Directora di Departamento di Impuesto na Aruba cu lo toca e tema “Liderando cambio y innovacion”.

No perde e tremendo oportunidad pa ta parti di e summit aki y reserva e fecha 20 di maart na Renaissance Convention Center. Pa mas informacion y pa cumpra bo ticket: www.arubainnovationsummit.com. Bin experiencia e poder di innovacion na Aruba durante e Aruba Innovation Summit 2024.

Un patrimonio fuerte,
resiliente y perseverante
mescos cu nos
Banco di Seguro Social
SVb.

Ban segura e futuro di nos
caha di orgel pa e keda ancora
den nos convivencia.

*Feliz Dia di
Himno Y Bandera.*



Dia di Himno y Bandera

Awe nos ta orguyosamente hisa nos
bandera pa celebra nos cultura, herencia
y e amor pa nos isla cu ta uni nos tur.

Pabien Aruba!

ATIA HUNTO CU DEPARTAMENTO DI IMPUESTO CU SESION INFORMATIVO Y PRACTICO RIBA TOPICO DI BBO NA FRONTERA

Ariba 13 maart 2024, Aruba Trade & Industry Association (ATIA) hunto cu Departamento di Impuesto (DIMP) a organisa un sesion practico pa comerciante ariba e topico di BBO na Frontera. Den un sala completamente yen di comerciante representando diferente sector, Directora di DIMP, Sra. Luenne Gomez-Pieters y su team a no solamente a duna un splicacion amplio ariba e ley di BBO na frontera, pero tambe a repasa e sistema di Bo Impuesto (BOi) y naturalmente e tema di “handelsgoederen”. E iniciativa aki ta uno cu e Director di ATIA a presenta na Directora di DIMP den un reunion anterior. Despues di e success di e

sesion cu Departamento di Aduana a follow up cu Sra. Gomes-Pieters pa hasiele como un prueba pa mira con e acogida lo ta. Mester bisa cu e tema cu tawata tin mas pregunta ta esun di e “handelsgoederen”, cu ta e un di e puntonan principal cu gremionan tambe a enfoca hopi riba dje na aña pasa prome cu a introduci e ley aki. Durante e sesion a toca e siguiente topiconan:

- Kico si y no ta wordo considera un handelsgoed den diferente sector, manera horeca y construccion.
- BOi: pregunta nan practico y con pa husa e sistema optimalmente.
- Importancia di e “persoonsnummer”, cuenta di banco correcto



y unidad fiscal (fiscale eenheid).

- E “verleggingsregeling”.
- BBO pa servicionan haci pafo di Aruba Tin cu bisa cu e participantenan a sugeri pa hasi e sesionnan aki mas biaha pero tambe ariba otro temanan manera impuesto riba salario (“loonbelasting”), impuesto riba ganashi di compania (“winstbelasting”) y BBO en general. Directora di DIMP a informa cu lo ta dispuesto pa organisa sesionnan asina regularmente y cu lo ta un bon idea pa hasi uno specifico pa impuesto riba ganashi di negoshi den e siguiente kwartaal ya cu ta digitalisando e sistema di declaracion di e impuesto aki.

Director di ATIA a indica cu “na final e meta di sesionnan asina ta pa trece comerciante mas cerca di DIMP y asina crea un conexion y relacion mas personal cu Management Team di DIMP.” ATIA ta satisfecho cu e resultado di e prome sesion y ta gradici Directora di DIMP y su team pa nan tempo y pa host e sesion na Oficina di DIMP. ATIA ta invita tur comerciante pa keda

pendiente pa e siguiente sesion cu nos lo anuncia riba nos rednan social. Si tin pregunta por semper tuma contacto cu e team di ATIA.

###

ATIA

Aruba Trade and Industry Association (ATIA) a wordo funda na aña 1945 y ta e organizacion principal cu ta representa empresanan, empresarionan y comercio na Aruba. E meta di ATIA

ta pa defende, promove y proteha e interesnan di su miembronan y comercio di Aruba en general.

Pa mas informacion por bishita www.atiaruba.org y nos rednan social www.facebook.com/arubatrade, www.instagram.com/atiaruba, y <https://www.linkedin.com/company/aruba-trade-and-industry-association>

OKÈ TAKE AWAY!

565-3232 OF 746-3

MENU:
HIMNO Y
BANDERA

STOBA:

CARNI
COMCOMBER
CALCO
KOOL STOBA +RIBS
GALIÑA

BALCHI BACALAO
MOCHI PISCA GESMOOR

BBQ



CALCO STOB

SOPI

CARNI

BOONCHI

CORA +RABO

PAN DI LECHI

CROQUETTE
KERI KERI
BALCHI PISCA
CORNEED BEEF
SPAM CU BANANA

ACOMPAÑATE TA VARIA
DEPENDE E CUMINDA

PAN BATI MAISHI RABO/ FUNCH
VEGETALES
PAMPUNA/BATATA DUSHI



Serlimar

kier informa tur cliente en conexion cu dia nacional di Aruba 18 di maart 2024 cu ta un dia liber.

Ruta residencial ta lo siguiente:

Dialuna	18 maart '24	Dia di Himno y Bandera
Diamars	19 maart '24	Ruta di Dialuna
Diaranson	20 maart '24	Ruta di Diamars
Diahuebs	21 maart '24	Ruta di Diaranson
Diabierna	22 maart '24	Ruta di Diahuebs
Diasabra	23 maart '24	Ruta di Diabierna



*"Un pais sin bandera y
himno ta un pais sin
destino"*

- BETICO CROES

*"Pero danki na dje,
Aruba su futuro ta uno di
un destino briyante"*

- GLENBERT CROES

Feliz dia di
**HIMNO Y
BANDERA**



Minister di Labor, Energia
& Integracion

18 MAART
2024




FELIZ DIA DI

Himno y Bandera

E ta yena mi curason cu emocion pa mira
nos muchanan asina orguyoso celebrando nos Himno y Bandera.
Un era nobo di positivismo por crea un futuro generacion
briyante pa **Aruba.**

PRIME MINISTER DI ARUBA

Evelyn Wever-Croes

A man and a woman are standing on a beach, holding hands and looking out at the ocean. The man is wearing a white t-shirt with a logo and white shorts with a blue and red design. The woman is wearing a white t-shirt and green pants. In the background, a large flag with a blue field and yellow and white diagonal stripes is visible. The sky is blue with some clouds. The foreground has some green plants.

*Eu orguyo nos ta celebra
nos Cultura, nos Tradicion
y nos Identidad.*

**Feliz dia di
Himno y Bandera!**



Noticia di Corte

HOMBER DI 71 AÑA CONDENA NA 12 LUNA DI PRISON PA A MISHI CU MUCHA MUHER

ORANJESTAD – Ayera mainta Hues di Corte den Promer Instancia a dicta sentencia den e caso penal cu Ministerio Publico a cuminsa contra e homber T.(71).

SOLO DI PUEBLO por a compronde cu Fiscal a existi 20 luna di prison. Ayera Hues a condena T. na 21 luna di prison cu ta encera cu ayera mes T. por a bay cas.

FISCAL

Dia 23 Februari 2024 tratamiento di e caso a tuma lugar caminda Fiscal a bisa cu e ta haya T. culpabel di a mishi cu e mucha na su pechonan y no tabatin relacion sexual. Fiscal a bisa cu pa cu e castigo, e ta tene cuenta cu edad di T. y e salud di T. El a existi 20 luna di prison di cual 10 luna ta condicional. Fiscal a existi un tempo di prueba di 3 aña y cu T. mester bay bou guia di Reclasering. Pa loke ta demanda di

daño, Fiscal a bisa cu e ta fastioso. Mester wake daño real y daño inmaterial. Na opinion di Fiscal, ta acceptable cu e mucha lo mester haya tratamiento. El a pidi Hues pa aproba 2 mil florin y declara e resto no admisibel. Esey ta haci cu e mama por haci un caso civil. Tambe Fiscal a existi cu T. mester paga 300 florin y 150 florin cu a paga caba. El a existi pa pone medida di pago.

SENTENCIA

Ayera mainta Hues a bisa cu e ta haya legalmente proba cu T. a haci actonan immoral cu e mucha A. Hues ta haya cu T. a mishi cu e pechonan di e mucha. Hues no ta haya cu T. a mishi cu parti intimo di e mucha. Hues a bisa cu tin suficiente prueba di sosten. El a mostra riba e declaracion di e mama y tata di e mucha y e señora di T.

Pa cu e castigo, Hues a bisa

cu e ta tene na cuenta cu T. como opa di e mucha a abusa di su posicion como hende grandi. Hues ta haya cu T. a satisfase su mesun gusto. Hues ta tuma T. na malo pa esaki.

Hues a bisa cu muchanan por keda afecta door di e actonan aki. Tambe el a bisa cu casonan asina ta causa intrankilidad den comunidad. Hues a sigui

bisa cu e ta tene cuenta cu ta promer biaha cu T. ta cay den man di husticia. Hues a tene na cuenta tambe cu T. ta diabetic y a perde su trabao.

Pa loke ta e demanda di daño, un parti lo aproba y e resto lo por haci un caso civil.

Hues a condena T. na 12 luna di prison di cual 156 dia ta condicional y 3 aña

di tempo di prueba, bou guia di Reclasering. Hues a bisa cu esey ta trece cun'e cu ayera mes T. por a haya su libertad.

Hues a condena T. pa paga 2300 florin di daño y cu medida di pago. Si e no paga e 2300 florin, e lo mester bay 33 dia sera den KIA.

notariskantoor **M.J.C. Tromp**

Op **dinsdag 26 maart 2024** des namiddag om 14.00 uur, zal in de Kamer van Koophandel en Nijverheid van Aruba, J.E. Irausquin Boulevard 10, Oranjestad Aruba, ten overstaan van notaris mr M.J.C. Tromp of haar plaatsvervanger, de executoriale verkoop, als bedoeld in artikel 3:268 van het Burgerlijk Wetboek van Aruba, bij opbod en daarop volgende afmijning worden gehouden van:

- het recht van erfpacht tot 15 april 2064 op een perceel domeingrond, groot 430 m², gelegen aan de Caya Mangasina te Mabon in Aruba, nader omschreven in de **kadastrale meetbrief nummer 187 van 20 mei 1998**, met het daarop gebouwde, plaatselijk bekend als **“Caya Mangasina 64”**;
Inzetprijs: Afl. 130.000, ==.

De veilcondities zullen 8 dagen voor de verkoopdatum ter inzage liggen ten kantore van voornoemde notaris.

De executant behoudt zich het recht voor, de veiling uit te stellen en op te houden zonder de verplichting de reden(en) daartoe te noemen.

Bieders dienen terstond een bankgarantie of een gelijkwaardige document dat aanvaardbaar is voor de executant, te overleggen en in het bezit te zijn van een geldig identiteitsbewijs.

Notariskantoor mr M.J.C. Tromp

Santa Cruz 35

Tel: 5853500/5857900

Fax: 5854222

Email: veiling@notaristromp.com / auction@notaristromp.com

Visit: Arubanotary.com




ANUNCIO

En conexion cu Dia di Himno y Bandera, SETAR ta informa cu tur su oficinanan y teleshopnan lo ta cera:

• **Dialuna 18 di maart 2024**

E Kiosk na Airport y e Contact Center ta keda duna servicio orario normal. Pa cualkier pregunta por yama 114 of Whatsapp na 597-9999.





*Fiel na mi Aruba,
e pais di unda mi ta!*

**FELIZ DIA DI HIMNO
Y BANDERA.**



*Netamente Criyoyo!
4 generashon di comerciante local...*

*Mo Chimi, Max, Dadou,
Karine y Paul*

*Ta desea pueblo di
Aruba un Feliz
Dia di Himno y Bandera*

NO MUCHO LEU DI UNDA HOBEN(17) A WORDO TIRA; HOMBER MALTRATA SERIAMENTE



Diabierna pasa di mey anochi polis a bay e t-kruising di Mandolinstraat cu Pindastraat, pa un homber cu a wordo seriamente maltrata y laga atras. E homber lo a cana yega e cas y busca ayudo. Un persona a dal e y lage benta un caminda eybanda.

Polis su yegada a bin topa cu homber cu un kap grandi na cabes, ambulance tambe tawata presente y por a mira con mester a yuda e homber subi ambulance pa un rato despues sali direccion Hospitaal.

Dado momento dilanti polisnan, dos homber cu tawata unda e victima a wordo maltrata a crusa caminda ey mes, y bay na e cas unda e hoben di 17 aña a wordo tira.

For di un distancia por a mira un intercambio di palabra y mas.

Ken y pakiko a bati e homber di e manera ey "no ta conoci". Un cos ta sigur cu e la ricibi golpi fuerte na cabes y cu probabilidad cu esaki a wordo fractura.

E area aki den Tarabana a bira uno basta cayente ultimamente, unda cu autoridad mester acudi hopi biaha pa problemanan serio.

Algemene Ziektekosten Verzekering

ta desea Aruba un Feliz
Dia di Himno y Bandera.
*Servicio ta continua 19 di
maart 2024.*

Feliz dia di Himno y Bandera, Aruba!

En conexion cu Dia di Himno y Bandera
nos lo ta cera henter dia ariba:
Dialuna 18 di maart 2024

Den caso di emergencia por yama libremente nos Storingsdienst na 523-7147.



DEPARTAMENTO DI ADUANA TA CERA EN CONEXION CU DIA DI HIMNO Y BANDERA

- Departamento di Aduana ta informa cu su oficinanan ta cera riba dialuna 18 maart 2024 en conexion cu celebracion di Dia di Himno y Bandera. Tur servicio pa clientenan y publico en general lo reanuda diamars 19 maart desde 7.30 or di mainta.

Departamento di Aduana ta desea tur cliente, partners y pueblo di Aruba un feliz Dia di Himno y Bandera 2024.

Feliz dia di Himno y Bandera

*Exposicion “Visualizando
Dicho, Proverbio y Expresion”*

Orario : 11 AM pa 1 PM

Luga: UNOCA, Stadionweg 21

Feliz dia di Himno y Bandera

**18
maart
2024**



ORANJESTAD, Aruba 15 Maart 2024: Dia di Himno y Bandera ta sigur un ocasion hopi importante pa celebra. Ricky Hoek, Parlamentario di Fraccion di MEP a expresa cu den cuadro di e dia aki, diabierna mainta hunto cu Prome Minister Evelyn Wever-Croes a bishita Scol Basico Washington.

Eynan por a disfruta di un serie di actividad educativo- cultural hopi bunita y interesante pa e muchanan cu di e forma aki ta inculca den e muchanan e amor pa e pais y pa cu e bandera, pero tambe e lucha y e pakico ta celebra e fecha aki di 18 di maart. Entre otro, e scol a duna un presentacion na e muchanan di e 'mobiele eenheid' riba e tema di siguridad nacional di Pais Aruba. Tambe tabata presente Crisis Management Office cu a duna un presentacion di tur nan ekiponan pa atende un situacion di calamidad pa asina siña e muchanan tambe con pa atende cu personanan cu ta keda herida y con e sistema di emergencia ta traha.

Bunita tabata e cantonan y e musica folklorico cu artistanan local a comparti cu e muchanan y tambe e pinturanan y obranan di arte cu e muchanan a traha pa celebra e dia nacional. Den un klas a siña e muchanan con pa traha pan bati. Hopi mucha a laga sa cu nan sa e ingredientenan pa traha un bon pan bati y esey tabata algo hopi leuk mes, Hoek a ex-

presa.

Pakico un dia nacional ta importante?

Ban celebra Himno y Bandera en grande!

Parlamentario Ricky Hoek ta refleha pakico un dia nacional ta importante



Aruba, Orguyo di nos tur

Calendario di evento 15 - 18 maart 2024

GRUPO	ORARIO	LUGA	EVENTO	
15 maart	Colegio Nigel Matthew Colegio Sagrado Curazon St. Paulus School	6.00 PM-11.00 PM 5.00 PM-9.00 PM 4.30 PM	Colegio Nigel Matthew Colegio Sagrado Curazon Riba Caya Di San Nicolas	Feria Cultural Festival Di Himno Y Bandera Marcha Cultural
17 maart	Gobierno di Aruba - CCDN Dog Hotel Aruba Beer World Aruba Vereniging Papaya Ranch	6.00 PM-11.00 PM 8.15 AM 10.00 AM 10.00 AM	Plaza Libertador Betico Croes Fisherman's Hut Plaza Nikki Habibe Papaya Ranch	Manifestacion Cultural Dog Beachwalk Car Show/ Musica Bolas Criollas
18 maart	Gobierno di Aruba - CCDN Vereniging Papaya Ranch Fundacion Car-Ritmo Don Flip Racing Gucci Dancers Sv Britania Universidad Di Aruba Harambe Foundation Centro Di Bario Noord Stichting Rancho Biblioteca Nacional Centro Di Bario Savaneta Fundacion Betico Croes Cas Di Cultura Centro Di Bario Playa Pabao Fundacion Kapel Di Bethania Museo Arqueologico Iglesia Avivamiento Aruba Unoca Archivo Nacional Aruba Local Store Mi Dushi Casibari Aruba Aloe Museum Of Industry Fort Zoutman Teresita Center Cas Tantin Fundacion Chico Harms	9.00 AM-12.00 PM 10.00 AM 10.00 AM-6.00 PM 2.00 PM-10.00 PM 1.00 PM-9.00 PM 10.00 AM-6.00 PM 9.00 AM-1.00 PM 6.00 PM-11.00 PM 12.00 PM-6.00 PM 9.00 AM-1.00 PM 9.00 AM-3.00 PM 12.00 PM-6.00 PM 10.00 AM-6.00 PM 10.00 AM-3.00 PM 12.00 PM-6.00 PM 9.00 AM-2.00 PM 10.00 AM-3.00 PM 9.00 AM-4.00 PM 11.00 AM-2.00 PM 10.00 AM-6.00 PM 4.30 PM-7.30 PM 11.00 AM-4.00 PM 9.00 AM-5.00 PM 10.00 AM-2.00 PM 10.00 AM-2.00 PM 8.00 AM-4.00 PM 10.00 AM-3.00 PM 10.00 AM-8.00 PM	Plaza Libertador Betico Croes Papaya Ranch Centro Di Bario Piedra Plat Plaza Deto Varis Centro Di Bario Lago Height Parkinglot Veld Di Britania Universidad Di Aruba Kulture Café Centro Di Bario Noord Governor's Beach Biblioteca Nacional Oranjestad Centro Di Bario Savaneta Plaza Status Aparte Cas Di Cultura Centro Di Bario Playa Pabao Kapel Di Bethania Noord Museo Arqueologico Pos Chikito II-B Stadionweg 21 Archivo Nacional Aruba Local Store, Noord Mi Dushi Casibari Aruba Aloe Hato Museum Industry San Nicolas Fort Zoutman Teresita Center San Nicolas Museum Cas Tan Tin Centro Di Bario Brazil	Acto Protocolar Bolas Criollas Weganan Popular/ Benta Di Cuminda Weganan Popular Show Musical/ Benta Di Cuminda Weganan Popular Artesania Y Cultura Feria Cultural Fiesta Arubiano Careda Boto Miniatura Wega Popular, Benta Di Cuminda Mini Bazaar/ Weganan Popular/Benta Di Cuminda Benta Di Cuminda, Baile Y Musica Dia Di Famia Dia Di Famia Benta Di Cuminda Y Exposicion Dia Di Famia Dia Di Famia Exposicion Exposicion Flashback Fiesta Dino Jump, Robert Thiel Cu Su Banda Cuminda Crioyo/ Musica Explora Fabrica, Musica, Baile Exposicion Artesania Local, Cuminda, Rincon Boys y hopi mas Benta Di Cuminda Crioyo Cuminda Crioyo/ Musica Wega Popular/Benta Di Cuminda/ Musica



Continuacion Pag 10



Esaki ta contribui na e unidat y patriotismo cu un pais mester, e Parlamentario a remarca. Aruba a pasa den un lucha grandi pa bira independiente y logra e proyectonan cu tin. Awe por wak cu desde 1948, caminda cu a cuminsa cu e separacion di Aruba pa sali fo'i di e constelacion di Antias y despues cu riba 18 di Maart 1976 caminda cu a hisa e bandera y a presenta e simbolonan di identidad, esaki a keda fomenta y a culmina cu Status Aparte na aña 1986, Ricky Hoek a expresa.

Pesey un dia nacional ta hopi importante. E parti di educacion ta hopi importante. Pasobra scolnan ta inculca e conocimiento como tambe e historia di e pais y e importancia di e lucha cu e pais a hiba.

Asina tur persona cu ta biba y cu ta contribui cu e pais aki por traha na e engrandecemento di e pais den e parti social, economico, financiero. "Banda di esey ta un dia pa refleha riba e logronan cu Aruba tabatin, cual ta logronan grandi y cu ta pone nos sinti orguyoso, sea cu bo a nace na e pais aki of cu bo ta biba riba e pais aki, pero cu nos tur ta uni como un famia grandi pa aporta na e pais cu yama Aruba", a bisa.

Den cuadro di e dia nacional aki, Parlamentario Hoek ta felicita tur

ciudadano pa celebra dia di Himno y Bandera en grande, como un bon Arubiano, e Arubiano cu a haci Aruba su cas celeb-

rando hunto nos bandera, nos escudo, nos himno, nos nacionalismo", Parlamentario Hoek a finalisa bisando.

Parlamentario Ricky Hoek ta refleha pakico un dia nacional ta importante

Himno y Bandera
Aruba, Orguyo di nos tur

Den nomber di Gobierno di Aruba,
Minister di Finansa y Cultura mr. Xiomara Maduro

Ta invita Aruba en general pa asisti na e

Manifestacion Cultural

Diadomingo, 17 di maart 2024
Cuminsando 6:00 PM

Lo tin difirente tent cu cuminda crioyo, cos dushi y artesanianan local.
Presentacion di diferente artista, banda y gruponan di baile.

Acto Protocolar

Dialuna, 18 di maart 2024
Cuminsando: 8:30 AM

Coro di nos muchanan di scol y desfile di gruponan uniforma.

Luga: Plaza Libertador Gilberto F. Betico Croes

DIA DI HIMNO Y BANDERA 2024

Ban Celebra



Himno y Bandera

HISANDO E BANDERA

MAS GRANDI DI **ARUBA**

17 maart 2024 | 11pm - 1am

@Cede di MEP!

Entretenimento | Cuminda | Bar Bon Surti

Un dia pa celebra e union den nos pueblo!





Ministerio di Enseñansa y Deporte

Feliz Dia di Himno y Bandera

Halsa bo bandera y canta
nos himno Aruba Dushi Tera
cu orguyo.

*Endy Croes*

18 di maart
2024

Minister di Enseñansa y Deporte
Endy Croes



Minister Arends ta Consulta cu Pueblo Tocante Derecho di Naturalesa



Nos Naturalesa frecuentemente a wordo trata como un simpel mercancia, un obheto pa ser uza na nos conviniencia pa ganashi economico. Accionnan humano a pone cu nos medio ambiente awe ta na un punto unda ecosistemanan cu nos ta depende ariba no por funciona manera antes.

Durante un conferencia di prensa Minister di Naturalesa, Sr. Ursell Arends a duna di conoce e siguiente paso pa introduci e proposicion di ley di Derecho di Naturalesa den Aruba su constitucion.

E legislacion aki ta un paso historico pa reconoce dos derechonan interconecta y fundamental:

- e derecho humano pa un ambiente limpi, saludabel y sostenibel,
- y e derecho di naturalesa su mes, tanto riba tera como bou awa, pa conservacion, restauracion, y regeneracion.

Reconociendo e derechonan di naturalesa, Ministerio di Naturalesa ta afirma cu naturalesa no ta un obheto pa ser mal uza, pero un suheto bibo cu derecho inherente. E reconocimiento aki ta percura pa un base fuerte pa e instrumento legal necesario pa proteha Aruba su herencia natural.

"E caminda pa asegura un futuro sostenibel ta uno cu nos tin cu cana hunto. P'esey Ministerio di Naturalesa ta invita cada ciudadano pa participa den un proceso di consulta. Bo pensamenton-

an, sugerencianan y comentarionan no ta solamente di balor, nan ta esencial," Minister Arends ta remarca. Feedback lo wordo considera ciudadosamente y por cause cambio vital den e proposicion di ley di Derecho di Naturalesa, mientras e ta canando su caminda legislativo formal y presenta na Raad van Advies.

Ministerio di Naturalesa ta invita comunidad henter pa bishita e website di Publico.aw unda cu por lesa e proposicion di ley den e tab di consulta. E formulario por wordo yena anonimamente, asina fomentando un dialogo transparente.

E formulario lo ta disponible di 14 di maart te cu dia 4 di april 2024 pa ricibi feedback. Pa cualkier pregunta por email naturalesa@gobierno.aw.

Tambe e ministro a duna di conoce cu lo conduci dos anochi informativo unda comunidad por haci preguntanan, cera conoci cu e proposicion di ley y participa activamente den e discusion.

E fechanan ta lo siguiente, diaranson 27 di maart na MFA Savaneta di 6:30 PM te cu 7:30 PM y diahuebs 28 di maart na MFA Paradera, di 6:30 PM pa 7:30 PM.

Minister Arends su compromiso pa incorpora Derecho di Naturalesa den Aruba su constitucion ta señalisa e promesa di Aruba pa ser un lider global como defensor di Naturalesa. Tambe a subraya e principionan poni dilanti di number 16 di e Metanan Mundial pa Desaroyo Sostenibel (SDG 16), cu ta boga pa sociedadnan inclusivo, husticia pa tur, y creacion di institucionnan efectivo y responsabel.

E principionan aki ta guia nos caminda pa un coexistencia harmonioso cu naturalesa.

Feliz
Dia di Himno y Bandera

En conexion cu celebracion di Himno y Bandera nos oficina lo ta cera:

Dialuna, 18 di maart 2024

Nos lo ta habri bek pa brinda bo servicio durante nos orario regular:

Diamars, 19 di maart 2024

APFA ta crea awe **balor pa mañan**

FELIZ DIA DI HIMNO Y BANDERA

18 MAART 2024

Fraccion mep

Ki bal

Ki bal tin miho bos di mundo, pero no ta canta cu forsa
ni pasion
Tanto bal tin tur inspiracion divino, si tur esaki ta keda
wanta pa bo so
Ki bal formula palabranan bunita, pero cu frasenan sin
contenido ni balor
Bo ta manera un kalender sin fecha, un holoshi sin tem-
po, un pintura sin color

Ki bal tin poder y fortuna, pero di paden ta pover, soli-
tario y sin ilusion
Tanto bal entrega bo bida y rikesa, si bo mes ta bashi y
sin amor
Ki bal traha duro cada dia, pero den bo descanso no ta
corda gradici Señor
Bo ta manera un porta sin salida, un peregrino sin ca-
minda, un mapa sin direccion

Ki bal hisa nos bandera, pero bo no sa kico ta libertad,
gloria y honor
Tanto bal canta o Aruba Dushi Tera, si no sa di integridad
ni di union
Ki bal pretende di brasa nos cultura, pero no ta biba nos
folklore y tradicion
Bo ta manera anochi sin luna, sin briyo di strea, un shelo
scur sin splendor

Ki bal tin tur arte di mundo, pero bo obra no ta refleha
bon intencion
Tanto bal asumi di stima Aruba, si bo no por mustre tur
amor di curason
Ki bal kier ta un bon Arubiano, sin realisa kico ta forsa
di integracion
Bo ta manera un flambeau sin candela, un altar sin bela,
un faro sin iluminacion

Ki bal bati riba pecho bo ta Arubiano, pero no ta respeta
norma y balor
Tanto bal ta un ciudadano, si ta discrimina y no ta prac-
tica paz y pordon
Ki bal ta conoci rond mundo, pero cu bo isla no tin con-
tacto ni conexcion
Bo ta manera cunukero sin tera, un mata ranca fo'i suela,
un hende sin curason

Ki bal domina tur lenga stranhero, pero nos Papiamento
no ta bibo den bo bos
Tanto bal purba conoce nos historia, si no ta protagonista
di su capitulo di amor
Ki bal grita nos mester cambio, pero no ta duna man pa
bin cu solucion
Bo ta manera un patria sin bandera, un catibo na cadena,
un barco sin timon

Ki bal scapa tur bataya y turbulencia, pero ta cobarde pa
enfrenta guera y dolor
Tanto bal kier tin tur talento, si no ta comparti su esen-
cia, sabiduria y creacion
Bo ta manera un parha sin hala, un yiuchi sin mama, un
perfume sin holo
Un cancion sin melodia, un mucha sin alegria, un lama

sin fondo, ni movecion

Ki bal bisa bo ta poeta,
pero no ta skirbi for di in-
mensidad di interior

Tanto bal dedica verso na
bo suela, sin profundisa
den su raiz y expresion
Bo ta manera un cas sin
fundeshi, un riu sin fuente,
un rey sin nacion
Un buki sin palabra, un
poema sin alma, un crey-
ente cu no tin Dios

Competencia Literario
Poeta di Patria 2024

Autor: Jhon Freddy Tobón
Montoya



Pabien Aruba,
cu celebracion
di Dia di Himno
y Bandera!

18 di maart 2024

 BANCO DI CARIBE

Prome Minister Evelyn Wever-Croes:

MUCHANAN DI MON PLAISIR SCHOOL A CANTA E HIMNO Y HISA E BANDERA HUNTO CU PROME MINISTER

Por a sinti e amor cu e muchanan tin pa Aruba

ORANJESTAD – Diabierna mainta siguiendo cu e bishitanan na scol en conexion cu Dia di Himno y Bandera, Prome Minister Evelyn Wever-Croes a cuminsa su mainta na un manera masha special durante su bishita na Mon Plaisir School.

E mainta aki, e muchanan di Kleuter y Basis di Mon Plaisir School a prepara na un manera masha impresionante y special pa e bishita di Prome Minister. Na porta di nan scol, mustrandó hopi orguyo, a hisa e bandera di Aruba y a canta e himno. Prome Minister a expresa cu esaki tawata un momento hopi bunita y emocionante p'e, pa wak e muchanan canta di fondo di nan curason cu banderín den man.


Después di e momento special aki e muchanan a sigui deleita Prome Minister cu dos cantica mas cu nan tawatin prepara specialmente pa canta pa Prome Minister, esakinan cu letranan sumamente bunita. Prome Minister a gradici Juffrouw Debby pa e bunita presentacion aki, cu apesar di cu e mes no tawata presente e mainta aki, a laga e muchanan bon prepara.

“Por weita cu e muchanan di chikito caba apesar cu varios di nan no a nace na Aruba, a haci Aruba nan hogar. Manera nos Libertador Betico Croes a bisa: “Rubiano no ta solamente esun cu a nace na Aruba pero esun cu a haci di Aruba su hogar”. Y awe

nos ta weita con e muchanan aki di chikito ta inculcá den nan curason e amor pa nos himno y nos ban-

dera y e amor pa Aruba. Un pabien na Mon Plaisir School”, Prome Minister a expresa cu hopi orguyo. Prome Minister a keda sumamente impresionada y inspira cu e dedicacion di tanto e docentenan y e muchanan. Ta di admira con scolnan ta pone asina tanto tempo pa haci un bunita celebracion di Dia di Himno y Bandera. Nan a demostra cu e amor pa nos baranca tan stima ta asina grandi cu no tin nada pa kibr'e.






FELIZ DIA DI


HIMNO Y BANDERA

18
maart




O, Aruba, dushi tera. Nos baranca tan stima.
Nos amor p'abo t'asina grandi
cu n'tin nada pa kibr'e, cu'n tin nada pa kibr'e.

MOVIMIENTO ELECTORAL DI PUEBLO



mepofficial



mep.aruba